

Procedemento administrativo.
Relatorios do I Coloquio hispano-portugués

Diogo Freitas do Amaral *et al.*

Colección "Xornadas e Seminarios",
Xunta de Galicia, Santiago de Compostela, 1994.

A EGAP publicou, dentro da súa colección "Xornadas e Seminarios", o volume titulado *Procedimiento Administrativo. Ponencias del I Coloquio Hispano-Portugués*. O libro recompila os relatorios do mencionado Coloquio. É de eloxiar, como toda obra recompiladora dun congreso, que ten a vantaxe de formula-la visión desde múltiples puntos de vista de distintos problemas obxecto do coloquio e, neste caso, visións desde a óptica de dous estados diferentes: España e Portugal. A pluralidade de autores supón unha visión dinámica da problemática do procedemento administrativo. Como contrapartida, a existencia de varios autores produce unha visión non lineal, que pode dar lugar a repeticións e a diferencias na sistemática e nivel expositivo.

España e Portugal, a pesar de seren estados diferentes, teñen grandes similitudes que se reflicten incluso nos procesos históricos: non hai máis que lembra-los réximes dictatoriais dados neste século, os procesos descolonizadores, a súa transición democrática e a súa adhesión ás CCEE. Do mesmo xeito, no plano legislativo danse grandes simultaneidades históricas, e máis en dereito administrativo, coas codificacións administrativas de 1991 en Portugal e de 1992 en España. É de grande interese a análise comparada dos distintos ordenamentos xurídicos.

Pasamos ó estudio concreto do texto do libro. A primeira parte estudia dun xeito comparado distintos aspectos do dereito, examinándose pola doutrina máis prestixiosa de España e Portugal os mesmos temas nos dous países: Portugal e España.

Diogo Freitas do Amaral e Laureano López Rodó, directores deste proxecto, analizaron a codificación do procedemento administrativo: a razón de ser, tradicións e o encadramento constitucional.

Fausto de Quadros e Rafael Entrena Cuesta disertaron sobre as regras de organización administrativa e as relacións interorgánicas.

José Manuel Sérvulo Correia e José Ramón Parada Vázquez analizaron o dereito á información e os dereitos de participación dos particulares no procedemento administrativo e, en especial, na formación da decisión administrativa.

Marcelo Revelo de Sousa e Fernando Garrido Falla examinaron o réxime xurídico do acto administrativo.

J. C. Vieira de Andrade e Jesús González Pérez estudiaaron a revisión do acto administrativo.

Tomás-Ramón Fernández Rodríguez examinou as conclusións xerais sobre a codificación do procedemento administrativo en España e Portugal.

Dáse unha análise xeral e dalgunhas cuestións concretas do código portugués e da lei española. En xeral, podemos dicir que, tanto pola brillantez dos relatorios coma pola altura científica manifestada polos seus autores, todos eles prestixiosos xuristas de todos coñecidos, estamos ante un estudio comparado singular e dificilmente superable.

Cómpre tamén destacar, como significativa, a crítica unánime da lei española, que nin sequera recompila a Lei de contratos nese proceso codificador, e que supón un retroceso sobre a situación anterior. De igual xeito, existe unha valoración moi

BIBLIOGRAFÍA E RECENSIONES

positiva do código portugués, seguidor en grande medida da regulación española de 1958.

Tras esta primeira parte, o volume desenvolve distintos relatorios e comunicacións de temas candentes dentro do ordenamento xurídico español, na materia de procedemento administrativo, ós que só imos facer referencia pola súa variedade e diversidade tanto de autores coma de temática.

Marcos M. Fernando Pablo examina a motivación do acto administrativo na Lei 30/92.

Eduardo Gamero Casado estudia a omisión do trámite de audiencia e indefensión do administrado.

José Antonio García de Coca estudia a prohibición legal de absterse imposta ás autoridades e persoal ó servicio das administracións públicas integrantes dun órgano colexiado.

Santiago González-Varas Ibáñez estudia a participación dos cidadáns no procedemento administrativo.

Luis de la Morena y de la Morena estudia a aplicabilidade da nova lei española de réxime xurídico das administracións públicas e procedemento administrativo común.

Ángel Sánchez Blanco desenvolve o documento administrativo e o seu valor a través da mediación funcional de rexistros, arquivos e a dirección organizativa e do procedemento pola función de secretaría.

Íñigo Sanz Rubiales estudia a solicitude de certificación dos actos presuntos como denuncia de mora.

Francisco Velasco Caballero fálanos das cláusulas accesorias do acto administrativo.

Antonio Calonge Velázquez realiza un relatorio sobre a suspensión da execución do acto administrativo na nova Lei de réxime xurídico das administracións públicas e do procedemento administrativo común.

Isabel Caro-Paton Carmona desenvolve a tradución ó castelán nos procedementos administrativos tramitados noutra lingua oficial.


Xaime Rodríguez-Arana e Juan Jesús Raposo Arceo estudian a Lei 30/1992, do 26 de novembro, e o Regulamento de procedemento sancionador en materia de tráfico, circulación de vehículos a motor e seguridade vial.

Isabel de los Mozos Touya desenvolve a avocación na nova Lei 30/1992.

Alberto Gómez Barahona estudia as medidas provisionais no procedemento administrativo trala promulgación da LRXPA.

Tomás Quintana López realiza unha exposición sobre a responsabilidade do Estado lexislador e reflexiona sobre o artigo 139.3 da Lei 30/1993, do 26 de decembro.

Eduardo Roca Roca fálanos da participación dos cidadáns no procedemento de elaboración das disposicións administrativas.

Por último, Montserrat Cuchillo Foix fai algunhas consideracións sobre a revisión de oficio e a revogación como institucións integrantes do sistema de revisión dos actos administrativos. 

José Antonio Montero Vilar

Bolseiro da EGAP